

揚州夢

古本戲曲叢刊五集

據北京圖書館藏
清康熙刊本景印
原書版匡高二。六
毫米寬一四二毫
米

玉池生填詞

揚州夢

啟賢堂藏板

效賢堂藏

陽州歌

明河如練

序



天地一梨園半是勾欄子

弟古今幾院本誰爲曲子

相公狐狽參軍逢場作戲

商山仙侶出口成章爰自

金元以來類分南北之劇

然而行家生活不乏奇才
樂府原題間多雜體攷中
原之音韻莫識務頭進四
方之老人罕陳致語忽遇
紅蘭之主爭傳白雪之詞銅雀
臺邊演陳思之妙舞金梁

橋畔唱周憲之新歌秦箏

趙瑟如吹出塞之聲楚些

吳歛卽和渡江之調關漢

卿瓊筵醉客箇是劉伶王

實甫花間美人此爲鄭旦

且也移腔換拍分判皆工

打諢插科波瀾獨老可謂
善哉復善真乃聞所未聞
若將函谷之遊幻作揚州
之夢事雖恍惚意實深長
蓋聚人世酒色財氣之業
造成生死輪迴亦舉吾身

喜怒哀樂之緣變出悲歡

離合笑炎涼之醜態險同

牛鬼蛇神指利欲之迷途

酷似刀山劒樹田園妻子

總落虛空口舌形骸終歸

魔障惟能知白守黑方可

抱素還丹一杯收袖裏之
乾坤半局了壺中之日月
此固神仙文字豈止優孟
衣冠嗟乎滄海揚塵三遷
頃刻邯鄲伏枕一覺何時
作者其有憂乎讀之可以

悟矣譜自宮中不數春江
花月傳來天上無異霓裳
羽衣聆斯法曲堪續湘水
之九歌跋以蕪詞聊助漁
陽之三弄

康熙己卯冬十月長洲鶴

栖老人尤侗謹序



序



昔涵虛子論元人曲有十二科一日神仙道化故臧
晉叔元曲選此科居十之三馬東籬黃梁岳陽諸劇
尤佳而臨川邯鄲亦臻其妙豈非命意高用筆神爲
詞家逸品與前歲門人沈用濟自都下歸盛稱

玉池生所撰揚州夢院本詞工律細擅長旗亭今年庚辰
夏五月吳中顧卓來持此本見示昇披繙窮日夕其
寫杜子春豪蕩窮愁各極佳致至老聃兩番贈金與
三藏以酒色化三車事相類蓋人生快意一過卽興

味蕭然惟未得者想慕之焉耳老聃煅煉子春備極
幻境末云六情已忘愛根難割嗟乎浮生天地間微
杪牽纏爲入道之障礙愛河流浪難陟仙都職此故
也撰此者殆卽子晉後身吹笙跨鶴游戲人間現神
仙身以填詞爲說法昇安得旦暮遇之錢唐稗哇洪
昇拜題

揚州夢傳奇目錄

長白

玉池生

填詞

長洲 鶴栖堂老人 尤侗 鑒定

無錫 朱襄

吳江 顧卓 同校

新安 俞瀾

卷上

第一齣

標引

第二齣

辭家



第三齣

一遇

第四齣

歸家

第五齣

點化

第六齣

遊園

第七齣

運金

第八齣

計貧

第九齣

投親

第十齣

再遇

第十一齣

祖餞

第十三齣

賞燈

卷下

第十三齣

被逐

第十四齣

索債

第十五齣

指路

第十六齣

三遇

第十七齣

雲遊

第十八齣

守丹

第十九齣

轉輪

第二十齣

說親

第二十一齣

做親

第二十二齣

報子

第二十三齣

撲子


第二十四齣

昇仙

第一韵標引
















第七 勘運金





第九齣 投親



第十齣再遇





第十二齣 賞燈











第十七齣雲遊






第十九齣轉輪









第二十三齣 樸子





吳門顧士琦寫

桂邑鮑承慶子景

揚州夢傳奇卷上

第一齣標引



翠竹樓本

蝶戀花擾擾醯雞天一甕日月跳丸爭奈春眠重行盡睡
鄉塵不動癡心惟想驂鸞鳳○簫管筵前情萬種舊事新
詞按譜閒翻弄小杜有詩堪借用十年一覺揚州夢

西江月轉瞬時光頻換迴頭富貴成空追思往事便朦朧
誰說至人無夢○昔是關門令尹今逢老子猶龍笑揮利
劍斷塵蒙重返丹臺碧洞

關尹喜牽情墮世

李老君爲道求賢

韋氏女隨夫證果

杜子春醒夢登仙

第二齣辭家

生扮杜子春百曲長巾百補破衣上

戀芳春萬貫家資百年事業翻成大夢虛華
倏爾電光過眼落拓波查提起一場話
靶只好垂頭甘罷難安插兩口

夫妻那堪四象無家

臨江仙

集唐

翻手作雲覆手雨揚州

估客來疎秋風明月獨離居鄉書何處達
臨眺獨躊躇○

城東城西舊行處饑寒欲出無驢幾年無事傍江湖窮愁

應有作整履步青蕪小生姓杜雙名子春祖貫長安人也

同妻韋氏移住蕪城頗有家貲懶於經理爲人豪爽秉性

風流昔日揮金若土自謂常保千春而今度日如年豈料
惟存四壁長遭鬼笑屢被人欺賣盡了高堂大厦自投入
怨壘愁城正是常將有日思無日莫待無時思有時

嬾畫眉飄零孤客聚天涯西望長安不見家衣如鶉結舍
如蝸愁千愁萬無時暇可惜人向愁中老歲華我自幼曾

讀孔孟之書見那聖賢中也有極窮的在裏面卽如顏子
一簞食一瓢飲身居陋巷之中不改其樂者他自有生以
來便是這樣朝窮暮苦自然習以爲常我杜子春纔離母
穴真箇錦衣玉食何曾嘗着窮苦的滋味且顏子尚有好

先生好同窓許多人照管所以簞食瓢飲不至缺欠我杜子春在此舉目無親結交的又是一班蠅營狗苟輕義重利的朋友所以炊烟常斷若也要強學樂道安貧起來豈不反做了伯夷叔齊的學生子了如何使得再四尋思別無頭路賴有親戚數家俱是長安仕宦不如辭了娘子竟上長安到親戚處借貸些須歸來便可度日待娘子出來與他相商便了

上林春

旦扮韋氏上

朝起辟纊無閒暇
傍午後梳妝纔罷

夫妻在此相依真是十分無那

見介生娘子我與你俱是

宦門子女不幸家計蕭條衣食不給欲辭娘子暫入長安
向親戚人家借些資本經營聊免桂玉之歎娘子以爲何
如旦官人你半生重義四筵交遊平日那些好朋友怎不
見來周濟你別箇罷了只如那湯之盤曾與你誓同生死
尚且反面無情何況那些親戚俱是仕宦人家他們在勢
利兩字中大有講究的我勸你不要癡心了

懶畫眉

你把黃金擲却反去淘沙那親友還同鏡裏花何

須狗急跳籬笆

生娘子不要破口旦將來奉比原非罵官

人今日下氣求人你何不當時不敗家

前腔

生

男兒有志必成家此去長安路未賒笑伊行井底

癩蝦蟆須知井外天還大

旦

恐怕都像了湯之盤生難道

舉世親朋盡似他娘子我行意已決不必苦苦見拒了旦

既如此官人幾時起程生只在明日旦官人倘然得意早

此三歸家免妾朝夕懸望便好

尾聲遠恨生難拋下明朝相望隔天涯莫漫腰纏不顧家

生

留心曾不在生涯

朱慶餘

旦

骨肉無由免別離

羅鄴

集唐

生

莫道長安近於日

王建

旦

杜陵遠客不勝悲

杜甫

第三齣一遇

外扮老君白滿鬚金道冠八卦衣上

集唐關令乘雲去不還幾多心愛在人間更名變貌難休

息萬丈丹梯尚可攀某名重耳字伯陽居母腹中七十有二載生而頭白故稱老子遂指李樹爲姓在周時曾爲柱下史因見世亂道衰乃乘青牛西出函關有關令尹喜者望紫氣而拜於道旁余因傳大道遂得脫離塵世證入仙班至今千有餘年矣不想他忽萌塵念憐其妻子久墮輪迴昨日辭我下凡復生人世爲長安杜氏子欲度其妻同登仙果誰知他一到塵寰便爲七情所困連他自己也俯尊就卑棄清入濁全無醒發之機深爲可憫爲此特遣麻

姑去度其妻不免自往長安點化他一番便了正是分明
有箇長生路休向紅塵笑二毛

下

醉扶歸

生背包裹上

幾年碌碌如春夢而今始自哭途窮

我杜子春一路而來斧資將盡只得兼程而行不覺身體
勞頓你看日已向晚不免趕到前村投宿便了作急行介
看淡抹殘霞在山外紅近村幾縷炊煙動內吹笛介又見
牧童歸向小橋東隱隱聽笛三弄且喜已到此間不知可
有歇處且待牧童到來問他便知端的

光光乍

丑扮牧童上

小小放牛童恍在畫圖中向晚風寒

雙肩聳溪水無聲冰初凍生牧牛的小哥這裏來丑做什

麼生借問一聲這裏可有歇店麼丑什麼叫做歇店生是

客商歇宿的店房丑沒有沒有生近處可有什麼菴堂寺

院麼丑也沒有生可有人家肯容借住的丑起先只有我

家常常留人住着那一日我爹不在家爲我娘留了一個

人住了一夜被我爹回來看見了好打如今想也不留了

欲下介生再問一聲丑不要譁鬧我要回去喫飯了生小

哥還有一言動問前村尚有幾里丑怒應介一萬里生小

哥請轉丑不應下生你看那牧童竟自去了看看天色昏

黃風兒又漸大起來教我住兩難如何是好

皂羅袍覺凜凜寒威頻送掀黃塵十丈吼怒狂風我身上

衣單腹中空不由人臉邊淚落心頭痛想當日金爐繡幙

獸炭燄紅玉杯象箸美酒光濃今日裏飢寒兩字憑誰控

看介好了那邊有個老者策杖而來也

前腔外換披風帶巾策杖上纔離了清虛仙洞向人寰直

欲捕影追蹤一聲鸞鶴碧天空問莊周蝴蝶誰爲夢見介

生歎介外看你衣衫襤褸鬚髮鬅鬆形容憔悴涕泗縱橫

雙眉低鎖愁何重生老丈在上晚生因貪趨路程不覺錯

過了宿頭趕到此間已見家家柴門深掩又無歇店棲身
所以徬徨道側偶爾與歎多承老丈動問外既如此茅舍
不遠老夫當設榻相留生多謝老丈外就請同行行介花
徑不曾緣客掃蓬門今始爲君開到介入介禮數如常套
外請問足下因甚有此窮途之歎生容稟

解醒甘州解三醒恨只恨半生懵懂更兼着命運不通低

頭撞入迷香洞被人欺騙朦朧把千金拋擲渾身膽只落

得四壁蕭條透骨窮八聲甘州公公歎枯魚性命將終

甘州解醒八聲甘州外憑我西江一勺功汲將來還可少

濟英雄你何須愁悶請放開笑臉歡容今日足下欲得幾
何便可以救貧生賄喜介若得五百金歸家可免飢寒矣
外豈有此理如此丈夫那五百金怎彀用度請益之生若
論彀用五千金足矣外還少再請添些生倘得五萬金自
當重整家業仍舊富翁了只怕沒有這樣好主顧借與我
外何必言借老夫奉贈便了生多謝多謝且謝且疑介外
大笑介解三醒郎君道我無金奉老漢從來不脫空你疑
心重管教你歸家依舊烈烈轟轟家下人那里淨老小末
扮家人應上外可取白金五萬速去速來衆應下又擡金

上開箱擲地過數介一分不少外老夫豈夫信與足下請
收過了生起謝介老丈與晚生從無半面便肯如此周濟
真古君子也使晚生却之不恭受之有愧老丈請上容晚

生拜謝揖介

尾聲天高地厚君恩共誰知死草遇華風跪介外扶介得

失應同塞上翁今日可暫居舍下明日雇下人夫整備馬

匹送足下歸去便了生只是蒙老丈如此錯愛晚生何以

克當外說那里話隨我進來生老丈請

集唐外家在青山近玉京趙嘏

與君別是一親情白居易

生
那知否極休徵至 元稹

失水枯鱗得再生 周曇

第四齣歸家 旦扮韋氏上

海棠春暖風和氣來窮巷蕩子不歸空悵望細草與愁心

暮暮朝朝長奴家韋氏自與丈夫仲冬一別之後杳無音

信使奴在此孤身無倚萬苦難支且喜捱過殘臘早又是

暮春光景今日天氣晴和紡績少暇不免提了籃兒向陌

上採桑則箇提籃鎖門介

忒忒令布穀啼蠶桑事忙惠風柔柳綿輕颺見翩翩戲蝶

眷戀在花枝上那園中樹桃間李競新妝我愁相對自無

言立半响說話之間前面已近桑林了不免緩步前去歎

介介遍身綺羅者不是養蠶人下

字字雙

丑扮湯之盤上

妝造文人墨士腔活像開言十句

九荒唐譚帳全憑一陣舌頭忙會講神仙在世也難防何

况自家非別湯之盤的便是只因賤字叫做苟日外邊人

見了我便是這兩字稱呼假如我纔說句話便齊聲道苟

日的言語有理若是我立個主意衆人就說苟日的主見

不差我想這兩個字雖是有典有則叫出來其實有些不

雅爲此改爲日新誰想那些人仍呼舊字如初可笑你們

但知出語傷人不知自己也做了苟且的朋友了再四改
不轉來也只得由他叫苟且去這也不在話下我這廣陵
地面向年自長安來了一個杜子春囊貲充足舉動奢華
他既富而且驕我當貧而且諂相隨他喫的是美酒肥羊
穿的是綾羅錦繡不啻夜夜元宵近來可恨這廝公然大
窮竟做了朝朝寒食雖然你這敗子應貧請問置我老兄
何處我已約下靳况與他商議別尋頭路且待老靳到來
再作區處

前腔

副扮靳况上

舌根吐出比人長一丈煙花隊裏賭錢

塲白相只有家兒號孔方久仰何時滿櫃滿皮箱光降小

子靳况的便是今早荷日老兄差人來約說有事相商又

聞得杜子春滿載而歸正要報與他知道迤邐行來此

間已是不免竟入見介副老兄相招有何見諭丑弟因連

日困守在家沒個主顧發發利市特請吾兄到來尋個法

兒弄他幾文錢養家方好副請白開懷小弟特來報喜丑

喜從何來

玉交枝

副

喜從天降杜子春時來運當丑難道這窮鬼又

發跡了只怕未必副他辭家復把長安上滿載歸青蚨白

鏹丑喜介約有多少副聞他腰纏跨鶴天外翔揚州十萬

應難量丑既然如此須得個法兒弄他方好副合爲此情

特來奉商爲此情特來奉商丑想介這有何難趁他未歸

你我將些錢米送與他娘子子春歸時必定感我二人周

濟之情那時極體面的了何難相見副妙計妙計就請同

行丑且住待小弟拿了三升老米副小弟亦有一百青錢

同行介間時弗燒香急來抱佛腳來此已是副呀爲何門

兒反鎖在此難道杜子春接了家眷去不成丑望介那來

的不是麼在此等他便了

僥僥令

旦上

提籃忘採葉昨夜夢咸陽不倩東風吹愁去

春日偏能惹恨長

丑副向前揖介尊嫂拜揖旦二位何來

丑小弟輩有事他出羈留一載昨日方歸又聞得杜兄遠

上長安知府上近來淡薄小弟具有粗米三升副小弟有

青錢一百聊表寸敬丑望乞笑納旦雖承二位盛情怎好

受得副說那裏話向承杜兄大恩小弟輩雖粉骨碎身不

足以報萬一丑况濟困扶危乃朋友分內之事何必推辭

旦如此多謝了開門介請到裏面獻茶丑副不消不消今

日有些小事告辭了旦多多有慢丑副下旦弔場正是路

遙知馬力果然日久見人心閉門坐介

園林好只道知人面難知肚腸又道是人情翻掌今日方

知皆誑人之性本循良人之性本循良

江兒水

生騎馬末隨上

花裏歸鞭驟春風拂面香下馬介

這裏已是了快些去將後面人夫催趲前來末應牽馬下

生娘子開門旦想是官人回來了隔柴門聽得音聲像開

門見介官人回來了麼生回來也入介見禮介坐介旦相

看頓覺愁眉放喜歸來不似當時樣妾在家中懸望合想

你在途中受了萬般悽愴官人到彼親戚們相待如何生

卑人竟不曾到得長安是半路轉來的旦如此說那借貸
一事怎麼樣了生有天大一樁奇事旦什麼奇事

月上海棠

生

言語長在窮途歷盡愁千狀我孤身無倚潦

倒他鄉正黃昏到一村莊見家家把柴扉關上只得向前

邊望見一老丈蕭蕭鶴髮如霜

旦

那時便怎麼

五供養

生

我只得長揖老丈一一從頭訴出衷腸承他留

我宿攜手共升堂雖萍蹤偶合也頗覺談諧歡暢又贈我

金貲返滿行囊

旦

贈你幾何生生出掌介也不多足足的五

萬兩歸來所以氣揚揚

旦

世上誰知還有這樣好人微幸

煞你了

生

我雖微幸只是拋你半載又無人照管虧煞你

也

旦

自官人出門之後奴家蠶桑紡績自供衣食受了無

限酸辛那個相憐周濟只有今早湯靳二人也自遠方回

來知你未歸送些錢米在此

生

如何我道他兩個是我的

至友自然與衆不同的你偏要說他們反面無情就是那

老丈也不過萍水相逢尚且這般慷慨你又說親戚人家

不肯周濟喫當時若聽了婦人之言誤我不淺

旦

住了纔

有了幾兩銀子就是這樣呵神叱鬼的欺人了

生

娘子不

過取笑不要介意

旦

那個來怪你待安頓下家產置酒謝

他兩人便了。生：娘子之言甚當。末：領淨老小外，擡銀上。衆：向旦叩頭起。收銀介。淨老小外：譚下。生：走來。末：相公有何分付？生：一面着人去尋高樓大廈，須要有齊整花園的，方好。一面差人去買綾羅綵緞金珠首飾等件，再着人去置辦桌椅牀帳各色古玩家中一應所用家伙，俱要今日齊備。末：應下。旦：官人何必如此性急？生：娘子那古人說得好：素富貴行乎富貴，你我這樣財主，別的罷了。這兩間房子如此腌臢逼仄，今夜如何住得？旦：難道不是你當時住的

麼。

川撥棹你休狂妄有黃金便想畫堂不記得困苦郎當不

記得困苦郎當幸剝蝸居四面牆乍逢着富貴場把寒酸

一旦忘

尾聲生休提昔日寒酸况我一朝吐氣高千丈笑他人命

運不強

入門堪笑復堪憐伍唐旦天命須知豈偶然孫元

集唐生盡謂黃金堪潤屋杜荀鶴旦不然愁殺暮春天薛能

第五齣點化貼扮麻姑道敷上

紅衲襖俺待要按雲頭下赤霄一轉眼過天心穿黃道廻

顧那三神山似芥小但覺得一身軀如葉飄小仙麻姑是也奉太上法旨來度韋氏不免走遭則個今再臨非漢朝蔡經家不見了幾度滄象塵生變做桑田也獨我這如花貌未凋來此已是他家了我自竟入入介淨扮家人上四鄰池館吞將盡猶自堆金爲買花見貼介住了你這道姑到此怎麼貼貧道與你家娘子有緣欲求一見淨唵我家娘子是何等樣人怎肯見你這道姑不要在此胡說若是相公回來看見不當穩便快些出去老扮梅香上金蟾嚙鎖燒香入玉虎牽絲汲井回見介門公你爲什麼與這位

仙姑廝鬧淨他不知在那裏突如其來只管胡鬧歪纏我

着實趕他又不肯去老他是出家之人你不該這般凌辱

他纔是淨既如此我却不管你自去問他便了下老請問

仙姑因甚到此貼貧道與你家娘子有緣特來奉拜老這

有何難我家娘子是極好善的仙姑少待待我與你報去

向內介娘子有請

大勝樂

旦扮韋氏上

倦眼懶開新睡覺鴉翅鬢半偏猶俏

聞夜來風雨聲聲不知花落多少老娘子外面有箇十八

九的小道姑他說與娘子有緣可肯容他來見麼口在那

裏老現在二門外旦快請老仙姑我家娘子請你進去旦

貼見介旦請問仙姑在何處修行因甚事降臨寒舍貼容

訴

梁州新郎梁州序且請娘行寬坐聽我一言相告為勸伊

家人道來從棄外不辭千里之勞旦那入道有什麼好處

貼有好處哩好共我煉丹煉氣吞石吞金壽可齊天姥那

三山五嶽也任逍遙駕鶴驂鸞入碧霄旦雖然如此只是

道理深奧一時那裏參究得來賀新郎合貼仙家理雖深

奧人生自有通天竅又何必分白皂

前腔

換頭梁州序

日有兒夫琴瑟和調有家私金銀光耀

更笙歌羅綺暮暮朝朝誰能棄此遁跡空山死守泥神廟

多承美意也惠難叨沒福分瑤池醉碧桃

貼合前

奈子花

日你做仙家自守清高我在人寰願守奢豪人心

也當從其所好又何必恁般聒噪貼微笑縱異日卽是今

朝告別了日有慢貼從他人哭從他笑地覆天翻也只寧

下老好笑好笑他又化緣只管勞勞叨叨不知講些什

麼日想是有些癡的老其實令人可厭日呀被他纏了半

天幾乎忘了你快些分付家人打掃花園整備酒席官人

要明早請客不可遲誤

節節高分付東廚辦酒肴你捲冰綃再令人淨掃花間道

休忘了休憚勞休粗糙諸凡須要般般到一聲齊集方為

妙主人愛好你都知些兒莫使他人笑

尾聲你看午日光當天照漸移花影上堂均速去催促園

丁及廩庖

日華風蕙正交光陸龜蒙

欲召親朋看一場李建勳

集唐

老却笑儂家最辛苦杜荀鶴

小筵催辦不勝忙皮日休

第六齣遊園末扮家人短鬚上

自家本姓姓強從小生來驍悍遂將強悍爲名到處這般
呼喚爲人徹底聰明作事通天手段主人見我多能託我
管些文券主人旣癡且呆我也落得白賺還有狗友狐朋
個個能言舌辯入門一味奉承背地百般欺騙朝看陌上
桃李暮醉娼家庭院把個天大家私大家狠吞虎咽到此
不上三年弄得精光稀爛女婢賣得一空童僕餓得四散
那時小子區區也往他方遠竄剩他兩口夫妻終日長吁
短歎誰知天不絕人忽往長安貴幹走到半路途中遇着
糊塗老漢與他萍水相逢就贈紋銀五萬聞風我便投他

正在途中相見被我鬼話一番騙得滴溜溜轉誰想今日
歸來他却絲毫不換依舊飲酒宿娼依舊飛鷹挾彈前日
一到家時銀子開消大半用了老杜錢財落得老強體面
如今家下多人道我本該奉勸欲待上前直言主人性情
非善欲待退後不說又恐下人埋怨要求上下歡喜自有
一種權變背後順水推船人前逆風拉絳開口數短論長
事體險忘一件昨日娘子分付今日官人開宴且教打掃
花園再去與他置辦正是樓臺深鎖無人到落盡東風第
一花你看道言未了相公早已出來也

虛下

鳳皇閣

生華服老扮家人隨上

三春明媚廿四花風相繼

集唐落拓東風不藉春夜來微雨洗芳塵在家歡樂辭家

苦作客何如作主人末啓相公酒肴俱已齊備了生我已

分付去請湯靳二兄又請錢金兩相公作陪可曾着人去

請末俱各請下了生既如此門首伺候末曉得衆接前引

上副石家步障錦虹霓丑那見當頭白日外嘉賓高會小

也自是風騷活計末諸位相公俱已到門了生快請末請

介衆見介生小弟與諸兄睽違一載今日特備小酌少敘

濶襟衆吾兄遠歸弟輩尚欠接風叨擾未當生說那裏話

末酒肴已備請相公登席衆入席介

二郎神繁華地縱春殘亦無窮佳麗垂珠箔迎風篩香氣
曲闌干外瘦紅肥綠高低紫蝶黃蜂如解意遶人前故飛
飛不避共徘徊一半兒酒醉一半花迷

集賢賓

生

請看欲盡春可惜杯行到手休推古云四象皆

兄弟况小弟共諸兄呵堪同伯仲塤箎又道是酒逢知己

雖則飲千杯不醉

衆

切在愛下自然盡量的

合

良宴會却

真個風流希世

丑

今日如此盛筵何不行其一令生極妙

的了強悍送骰盆過來末應介丑不消不消小弟有個口

令在此只是少個監令外小自然是斬兄了副怎好占先

外一定請教副既如此小弟近日學得個飛泥塑到也有

些趣生何爲飛泥塑副凡酒到手隨意喚一人那被喚的

就要像泥塑的一般不許動動者罰一大杯衆妙丑今日

主人得意而歸待弟數個元寶何如衆更妙生怎樣數法

丑三兩一小錠五兩一大錠六兩兩小錠九兩三小錠十

兩兩大錠以下照樣數去直至五十兩纔成得一個元寶

違者也要罰一大杯衆妙甚妙甚生強悍送酒過來與湯

相公末送酒丑飲介一兩副二兩外一小錠小四兩生一

大錠丑兩小錠副兩小錠零一兩丑該罰副爲什麼丑你

錯了副何錯呢丑成錠說錠不成錠說兩纔是副這是你

行令不明只該罰你衆斬兄不要抵賴請一杯罷生遞酒

副接飲喚生生掩面笑介衆送酒與主人飲酒喚丑丑

不動介副小弟輩不勝醉飽况鶯聲可愛大家花下散坐

一回何如丑也好生強悍可把酒席移到水閣上去末曉

得衆出席外小小弟先告辭了生天色尚早再請寬坐外

小實有小事生既如此不敢強留了外小爲君下箸一餐

罷醉着銀鞍馬上歸下生前日寒荆道及二兄盛情未曾

謝得丑副說那裏話大家到垂楊樹下聽鶯去衆坐介

轉林鶯向垂楊樹下輕陰裏飲餘閒聽黃鸝他嬌聲噤噤

流丹嘴振金衣飛上高枝如聞鳳笙雲際忽轉得音響淒

淒竊思之想則見花殘怨着春歸丑小弟前日在迷樓壁

間見柳玉娘一首聞鶯懷人詩道百轉鶯聲花亂飛一春

悵望信音稀萋萋芳草空相憶腸斷王孫歸未歸衆好到

也虧他丑小弟看詩中所指定是杜兄無疑生不要提起

小弟與他絕交的了丑你二人從來如膠似漆今日何出

此言生一言難盡去歲此時小弟好意去看他他分明在

家見小弟衣衫襤褸便不肯下樓只回不在因此小弟與
他斷絕往來了丑只怕他不知生那有他不知之理丑不
然小弟前日回家之時從他門首經過在吾兄面上進去
望他一望因而問及吾兄

黃鶯兒他未語便顰眉及開言只欲啼怨仙郎薄倖成拋
棄看他垂頭似醉凝眸若癡闌干兩靨千行淚我恨烏龜
一人施計兩下受他欺

簇玉林

生

承明教指破迷惑佳人尚我思今朝方始知詳

細明朝當去親陪罪

衆

阻佳期牽牛織女空結一年悲末

酒席齊備了衆入席介

琥珀猫兒墜看波心魚走池面浪紋迴院內花兼柳絮飛
窻通斜日蕩金罍徘徊主人忘倦客亦忘歸

前腔

又見庭禽作對夾子樹頭棲一望山山惟落暉昏煙

散亂眼迷離銜杯歸去何妨沉醉如泥

丑副

小弟們告辭

了生多多有慢

尾聲人生行樂應爲最今朝二難兼四美安得揮戈使日

回丑副下生強悍分付明早備下馬我要到柳家看玉娘

走遭也未曉得

生
去歲樓中別柳枝

白居易

摇摇離緒不能持

劉兼

集唐

末

春風澹蕩無人見

孫逖

何處如今更有詩

韓愈

第七齣運金

外扮財神淨老小貼從神隨上

新水令流通氣脉走乾坤論行藏上承天運光芒爭日月

沉重壓斯文力可通神笑書生一燈雙鬢小聖財神是也

去歲太上曾遣黃巾力士取銀五萬今又命小聖自將白

銀十萬送到長安波斯館內就着小聖化作波斯模樣看

守在彼不知有何妙用須索走遭也叫鬼使就此駕雲前

去者

清江引看旗旛招展處雲成陣行動風雷迅回頭上界遙
舉目長安近到來時數千里只一瞬

解得仇家買得恩

徐寅

至今此物世稱珍

白居易

集唐

風吹西到長安陌

李白

驚動茫茫下界人

王建

第八齣計貧

旦扮韋氏上

菊花新梅花寫影上樵疎知是紅輪出象隅香氣散瓜廬

又虛擲春風一度

行香子

夫婿風流恩愛綢繆對花朝酒

泛金甌玉簫檀板舞袖歌喉歎富豪休窮愁集歲時週○

眉黛含憂臉色含羞轉晴間九夏三秋一冬方過春又從

頭恨富難求窮難送歲難留奴家韋氏自從丈夫昨歲回
家依舊豪華富貴誰想不上數月漸漸去馬而驢去驢而
徒奴婢田園仍然賣去看看貧逾昔日如何是好

粉孩兒歎年來受淒涼難盡語一絲絲結就窮愁千縷他
做了家徒四壁馬相如奈卓文君不慣當墟官人昨日出
去借貸今尚未回好悶人也縱開言去告他人難勝於上

山擒虎

紅芍藥

生上

行敗運奔走窮途親朋誼半點全無叩門介

旦開門介官人回來了生回來了旦官人可有得借來麼

生歎介旦看你含愁少情緒又多因友人相負生一言難

盡我走完僻巷與通衢那些人一聞了借貸兩字向卑人

告窮言苦信從來利盡交疎那裏有涓滴相助旦可曾見

湯靳二人麼生老靳到不曾見昨日在茶肆中遇着湯兄

他雖無銀錢與我還承他為我籌畫些道路旦他是怎樣

說來

耍孩兒生勸我再往長安去向那老翁處旦這也使得生

怕這遭不比當初旦官人你不聞秦穆公三用孟明乃得

敗晉趙簡子再使王良纔能獲禽那老者既然慷慨仗義

必然與這些人不同你若到彼他定有得助你生嗚呼有
何顏向彼嗷嗷訴旦如此怎好生早難道學阮籍吞聲哭
少不得要尋頭路

會河陽

旦

夫婦遷來在此地居牛衣夜泣日南珠錢財今

又蕩盡料難再圖說甚麼尋頭路

生

頭路到有兩條在此

旦是那兩條生

昨日湯兄又說道既然不好去見老丈還

可向長安去投親

旦

你欲幾時前去

生

我猶未決因前月

曾遣強悍往杭州刺史處去打個秋風待他歸時定有些
好處若不如意那時再去亦未為遲也長安若要去投親

故長途先不免愁朝暮

縷縷金

未上

經險阻歷崎嶇往還三兩月苦奔趨我強悍

奉主人之命前往杭州刺史處去打秋風他與我家主人
乃姑表至親誰想他竟全然不保教我候了一月纔與了
十二兩銀子回來走到城中又聞得我家相公賣了宅子
移入鄉間因此急急出城尋到此間你看好一帶荒涼地
面也遙見疎林外溪流迴互竹籬茅舍小村墟多應此中
住多應此中住待我前而去問一聲看向內介前面的大
哥借問一聲這裏可有個新搬來的杜官人內應介前面

雙荆屏便是末驚介且住不想別後百日之內就是這等
光景了隨着這樣人那裏還有好處我且進去回復了他
看他如何舉動我自冇道理入介相公娘子強悍叩頭生
起來講

越恁好

末

一從到彼一從到彼門外候月餘

生

臨回時節

可有得與你末臨回時他又肯見着人傳說道我這裏

是窮官冷署那能如命多多拜上不及寫回書生家中引

領獨望汝歸來不見些須罷了罷了娘子就與我收拾行

裝旦應下生強悍你可隨我上長安去走遭末小人去不

得生住了你怎麼去不得末我往返奔馳足痛難禁一步

也行不動的就是家中也要人照管生嗟那個要你照管

這樣忘恩負義的狗才我這裏用你不著作速出去末多

謝相公縱令然諾暫相許終是悠悠行路心下生娘子快

來旦持包裹上官人你爲何在此發怒生可恨強悍這奴

才呵出言不遜如兄倨公然背我昂然去旦他見你我日

下貧窮所以如此放肆這樣小人何足介意且進去歇息

身子明日也好走路生娘子可見這貧賤是一刻也處不

得的卑人就此告別了娘子請進罷

尾聲離情長短隨行步但願還似當初不枉今番入帝都

下且開門介

庭際蕭疎夜氣寒

白居易

愁看直北是長安

杜甫

集唐

昔時恩遇今能否

許渾

恐不知名訪倍難

韓愈

第九齣投親

淨扮杜子澤華服上

倒拖船外邊一種端莊貌端莊貌語言未發先含笑先含

笑胸中機械誰知道慣匿怨與人交倚富豪性兒驕從來

不拔一根毛

學生杜子澤是也我這杜氏一門乃是長安

巨族五服之內大小共一百餘人他們因見學生有錢有

勢推爲族長凡事皆商於我頗覺體面只是近日他們來說今年冬底該公祭祖墳又該修家譜算來此事非千金不可我想族間人口雖衆却富者甚少只有杜子夏舍弟杜繼人舍姪杜賢輅小孫這三個還有些家私只好支撐門戶也未必肯拏出來我細算公分纔得一半那一半就要出在學生的身上豈不是天大的難題目如何是好賴有心腹二人一名胡珩一名苟泰善爲我生財取利且喚兩人商議定有妙策胡珩苟泰何在

宰地錦襠

丑扮胡珩上

是非只把舌尖挑平地風波百丈

高末扮苟秦上望介主人堂上甚心焦想爲前朝那一條

丑那一條末就是前日那上墳修譜的話丑多應是被你

道着了末呼喚已久你我進見則個見介淨你兩個那裏

來丑末在外面淨做些什麼丑末我兩人商量一件事體

淨那一件丑末只爲着前日上墳修譜的事要費得太利

害必須尋一個人替出了方好淨着着着我正爲着此事

要與你兩個商量丑末一時難得其人淨杜子夏何如丑

惹不得有些倔強的淨杜繼人杜賢輅罷末一發走不進

了淨這樣說那別的更不中用了丑末再想一想只怕還

有淨有了有了子春可好丑末可就是五六年前往揚州
去的麼淨正是他丑末妙丑待胡珩前去回來管取主人
歡喜淨既如此你可作速去走遭纔好丑應下

雙勸酒

副冠帶扮杜繼人小隨上

未拜同僚先來奉告非

咱附勢趨炎也算親親之道

下官杜繼人是也昨日陞為

京兆尹今日來見族長小

稟老爺到門了

副疾忙上前通

報一家不必門包

小曉得有人麼末

是那個小前街大爺

來見太老爺末

住着稟員外前街大爺要見淨

快請末員

外在堂請大爺進去

副入見介老叔請上待小姪拜見淨

常禮罷副拜淨扶介恭喜賢姪這樣美陞我還未及來賀
反先勞賜顧且請到裏面小飲三杯何如副小姪謹領譚

下

六么梧葉

六么令

生上

風塵潦倒茅舍淒涼枕上殘宵怪

無端歸夢不堅牢雞聲叫犬聲號

梧葉兒

夢破無聊坐得

來紅輪大高我杜子春只爲投親而來在路行了兩月有

餘昨日到來又閉在城外只得向飯店中去歇了一夜今

日等到天明入城迤邐行來你看此間已是了門首不見

一人不免叫他一聲有人麼小上轎夫伺候着老爺就起

身了生管家走來小做什麼生你進去說我自揚州來的

同你家爺是兄弟輩有名帖在此快些報去小可是要見

這裏宅內的太老爺麼生正是小我是京兆杜老爺的家

人隨了老爺到此這裏閒帳我却管不得生無人在外你

可與我轉達一聲小待我去說與他管家便了持帖入介

苟大叔苟大叔末上做什麼小外面一人說自揚州來要

求見這裏太老爺的有名帖在此末看帖介愚弟子春拜

他如今在何處小現在門外末員外有請淨副同上淨一

月生人笑幾回相逢相值且銜杯副眼前春色如流水今

日殘花昨日開末稟上員外早晨說的那位官人來了淨
是那個末現有他的名帖在這裏淨看帖大喜介妙難得
如此湊巧快請說我出來末官人有請生入介淨見生暗
驚介生長兄請上待弟拜見淨賢弟途路辛苦你我只是
常禮罷生從命了對揖介副老叔請上也待小姪拜見生
也只是常禮罷副也從命了相揖介坐介淨作慢態不語
介生小弟與兄一別不覺六載淨正是呢生賢姪一發高
陞了副正是呢生老兄賢姪在此享福近來小弟在維揚

呵

沉醉海棠沉醉東風遠親戚兼無故交受清貧無門控告

內人責外人嘲日夜耳邊聒噪我也難禁羞貌那其間辭

家就道月上海棠程途渺千里來投衣敝形勞

五枝供五供養頭淨君還不曉別後京師水旱頻遭三餐

常不飽八口日嗷嗷生言雖如此只是小弟不遠千里而

來吾兄何以教之玉交枝淨豈不聞大賢尚自守簞瓢子

曰未若貧而樂副老叔在上小姪還有一言生你怎麼說

副方纔族長的言語呵五供養尾句句如金石須記牢誥

人不及養清高生聽他言辭可見兩人的肺腑了

撥棹入江兒

川撥棹

心焦躁弟兄情沒一毫論男兒氣可

干霄論男兒氣可干霄肯求人摧眉折腰

江兒水

絮絮叨

叨說甚麼守貧樂道

園林帶僥僥

園林好

淨

老面皮還來放刁窮骨頭猶存舊

傲

副小姪還有句不知進退的言語僥僥令若論長兄教

誨當承受何必強辭去解嘲

生

哇胡說副我講的是好話

生誰要你多講副就不開口

生

罷了罷了怪得古人說我

以為兄焉知非狼信然我與你親情友愛從此決絕了淨

下次也免勞光降生大笑介仰天大笑出門去我輩豈是

蓬蒿人下淨 那裏說起平白地教受了這場惡氣

尾聲狂徒出語真堪惱 副 忍耐些兒也罷了 淨 誰與他那

樣人去較量 副 小姪告辭了 淨 再略坐一坐去 副 衙門中

還有些公事 淨 既如此請了乘興還來莫待奉邀 副 這個

自然

祥煙瑞氣曉來輕 楊疑 副 嘯入新篁一里行 陳陶

集唐 淨 天上別居京兆府 劉禹錫 副 阮家高興尚分明 秦韜

第十齣再遇 五扮店小二上

家住長安古道傍黃塵匝地接殘陽中有往來車馬客四

蹄不住兩輪忙自家長安城外一個店小二的便是我這
座店面前臨官道側近城門所以買賣十分興旺這也不
在話下昨日來了一個窮秀才一進門就要酒要菜直喫
到半夜纔睡今日絕早入城去投親他說就着人來算還
酒錢取他的行李怎麼這樣時分還不見來不要被騙
了去我且閉上門兒到裏面檢點檢點他的行李看有什
麼東西在內正是莫信直中直須防仁不仁虛下

七娘子

生上

塵中躑躅朱顏改恨親情友誼雙乖旅邸愁

邊故鄉雲外孤身流落真無奈早人今早入城奔走十數

家反受了許多惡氣那裏有半點親情我也只得隱忍而
別出得城來已是飯店門首了不免扣門則個開門開門
丑上來了來了渠濁村春急旗高社酒香開門介呀官人
來了可是要取行李麼生今日還要借你店中歇一晚明
日一早就要回南去了丑官人你昨日說的那些令親都
是大來頭官人在此盤桓幾天自然還有些好處怎麼就
要回去起來生不要說起

四邊靜我手持名帖沿門拜幾家回不在幾處得相逢全
無好臉待不念連支接派把我輕如草芥我忿激出都門

不歸何所待

前腔

丑

你昨宵賒酒還賒菜今先酬宿債銀子五錢三房

金猶在外

生怎麼有這許多丑昨日對了你算的你還說

不要說五錢三就是五兩三明日絕早差人送來怎麼今

日就變起卦來了生既如此明日一總還你罷丑這却使

不得今日一定要的生我囊中沒有這些待明日設法與

你就是了丑這話說不去且把行李留下做個當頭待你

有了再來取快請出去推生出介生哇狗才你敢這般無

禮丑無禮無禮還要打你個臭死窮酸與我快走我這裏

呵拳頭利害還有磚頭瓦塊生大膽的狗才這樣凌辱斯

文丑你巾服假斯文肚腸真乞丐生哇放肆丑掩門下外

上莫憂世事兼身事須把人間比夢間生見欲走介外郎

君這裏來生上前作羞貌揖介外郎君好負心也

雙鷓鴣見人來全然不保故人情今朝何在生晚生其實

不曾看見還望老丈恕罪外外唆豈有此理我老眼昏花望

去如蒙煙靄剪秋水你少年雙瞳堪賽休恁般抵死相推

賴生老丈明察及此晚生焉敢支吾方纔晚生呵

前腔換頭為羞愧實難挨又蕩空所贈資財歎窮愁無奈

離家流落秦臺外大笑介縱資財復用盡何傷何害男兒

揮灑方稱快

生

老丈言及於此使晚生感愧交集外何出

此言老夫既然贈你原要你用的今既用完我當復贈生

只是承老丈如此大恩晚生何以能報倘老丈有用晚生

之處雖赴湯蹈火亦不辭也跪介外扶起介既如此你等

三年之後到雲臺峰尋我我當有用你之處生謹受命外

且隨老夫往波斯館內取十萬金贈足下歸去就是了生

多承雅愛

集唐

外

過關誰識老聃身

劉威

生

舊識相逢情更親

錢起

外 却到帝鄉重富貴 白居 生 不知予也是何人 李涉

第十一齣 祖餞

淨扮杜子澤副扮杜繼人騎馬末小扮家人持酒肴隨上

醉太平 花光漸薄看新蒲插劍蛙聲閣閣鮮衣怒馬出郊

蹴踏融和

淨

今日愚叔約賢姪同來送春出得城來好一

帶暮春光景也

副老叔方纔說的是送春還是送子春淨

那個還去惹這窮鬼做甚 副如此說老叔竟還不知今日

小姪出門的時節只見街上無數的車馬在那裏說是揚

州的杜官人今日起身被時小姪就問那官人叫甚名字

他說諱是子春的老叔方纔又說得不明白小姪所以疑

心淨不信果有此事或者同名同姓也未可知副依小姪
的愚見大家往樂遊原上去眺望若是他又現成酒肴
在此只說特來與他送行的若不是依然送春未爲不可

淨言之有理衆行介遮莫樂遊原上去遊樂亦少壯東君

行色可憐青錢紅雨隨風散漫逐水漂泊下老貼推車生

騎馬外扮家人同上

前腔換頭蹉跎見花飛漸多把春期九十在途路消磨聽

鶯兒燕子恍如私語清歌陽和今朝伴我別都門明日在

天涯兼用我此番歸去比前番歸去加倍歡樂末急上官

人請駐馬我家員外同京兆大爺在此相候多時了淨副

笑上淨賢弟請了生請了下馬介老貼推車下生二位何

來副今日聞老叔榮行小姪與族長備得杯水酒特來奉

餞生多謝但我離家日久歸心如箭就是一刻也不能擔

闕有虛盛情得罪得罪欲上馬介淨賢弟何必如此見外

想有些怪我麼生前日極承青盼何怪之有淨大笑介如

此說果然怪我的了生不應介淨賢弟你却怪差了你乃

讀書君子豈不知蘇季子激張儀入秦的故事麼前日愚

兄亦是此意若是一到時就贈你金費回去恐依舊不事

家產所以故把些冷言冷語在你面前講過然後贈你也無非是要你做人家的念頭誰想你大怒而去我隨後就着人尋你再無尋處直至今早纔聞得賢弟榮歸又不知尊寓所以在此等候生足感盛情副老叔在上聖人說得好弟兄之間不藏怒焉不宿怨焉據小姪愚見族長旣已說明且請寬飲三杯以壯行色看酒過來扯生席地坐末

小送酒介

陽關三疊祖帳同傾金叵羅把曾中懊惱都澆破向風前小折楊枝弱送春歸送人歸在今朝齊唱驪歌離情較孰

多縱杜鵑啼血催歸去還須飲到西方白日落副今日與

老叔一別未知何日纔得聚首生這也未定副今年冬底

公祭祖墳老叔還該來走走生我此番歸云事冗得緊只

怕不得來淨依愚兄說賢弟一定來走遭纔是今年也不

獨上墳還要修譜此乃族中公事况所費甚大賢弟若不

來那時教愚兄一人怎生主持生算起來這兩件就費也

有限况族中原有公分何必要我一人到此淨賢弟你怎

看得來這般容易只這兩件事情呵

朱奴兒若非是千金不可人雖衆富者無多算來只有君

同我咱兩人向誰推託求慨諾嚴冬一過亦少敘天倫樂

鴈來紅

鴈過沙

生

論用銀亦不多又何足再三託丈夫自

有千金諾此番事獨任在我

副難得老叔這般慷慨淨果

然難得只是賢弟到家安頓下之後紅娘子休擔閣把工

夫摘那乞早降以爲荷

生何須復來待小弟今日留下便

了人來外相公有何分付生你往車子上取一千銀子說

我在此立等外應下取銀上生請收過了小弟就此告辭

淨副天色尚早不妨再飲一杯生不消了共揖介淨副前

途保重生請了上馬介

揚州夢何奇 卷一
尾聲紫絲竹軟驕驄大騎出把長楸穿過回頭處濃煙一

抹下淨副相顧笑介淨誰知世上竟有這樣癡人副他雖

是癡的也虧了我在旁邊攛掇他纔肯拏了出來淨小人

這一宗大財難道我獨自受用了不成待完了正事與你

八刀就是了副多謝

淨 離歌已向客亭聞 朱慶副 倚柱關情日漸曛 杜牧
淨 惟有千金更堪重 孫元副 送春那得不殷勤 白居易

第十二齣賞燈 丑扮湯之盤笑上

青歌兒心有竅隨機應變口有舌能言會辯幫閒慣賺富

翁錢賺得他窮漸漸把他疎遠自家湯之盤向年曾勸杜

子春重上長安去尋那沒名姓的老翁彼時在我原是交
吾他的一句鬼話他竟信以爲真癡頭癡腦的踉將前去
誰知正遇着那老翁又得了十萬銀子回來所以這兩年
以來把在下十分隆重真個言聽計從這也不必講他今
乃上元夜聞得他在柳家大張燈火不免拉了老靳一同

前去便了行介行行去去去行行來此已是叩門介

前腔

副上

聽膈膊響聲一片是何人插咱門扇這幾時不

欠別人錢展轉思量爲甚勢頭不善

丑又叩介副來了來

了急開門介丑靳兄你方纔半晌不肯開門口裏邊只管

唧唧噥噥的講些什麼來副小弟在那裏猜說一定是湯

兄了丑何以見得就是小弟副方纔小弟聞得貴拳頭在

賤門扇上槌的時節那聲音都是湯湯湯所以曉得就是

湯兄了丑不要取笑副請問老兄何事光降丑小弟聞得

杜兄在柳家賞燈我兩個何不前去陪他一樂副極妙的

了丑就請同行副且請舍下坐坐喫過了茶再去不遲丑

這也不消罷副如此虛邀了行介轉過大街穿出小巷來

此已是有人麼老扮鴛兒上來了來了曾逐少年場名高

姊妹行一朝歌舞歇老却杜韋娘見介丑副原來媽媽自

已出來老二位來得正好昨日杜官人說今日還要着人

去請哩副何用去請我們自然來的丑如今杜兄在何處

老還睡在裏面尚未起身丑爲什麼這樣的時節還不起

來老他昨宵多飲了幾杯氣酒直到四鼓方睡那能早起

丑喫酒罷了怎麼生起氣來老話長得緊起先他帶了五

千銀子到我家來零零碎碎的用過了千把直至前日要

置燈辦酒又用了千把昨日因同錢相公到府前去看燈

回來他是個好勝的就着管家回去要取五千銀子來還

要添些奇巧花燈誰知竟沒有得拏來說家中銀子不足
五千了他娘子又寫字要他回去所以有些不樂丑他說
幾時回去老 大抵明日再看一夜燈就要去的了丑我想
他此番歸去必不復來老 正是呢他昨日曾說與老身五
百兩銀子娶了我女兒回去從此收心竟要做人家了丑
阿呀這是放他去不得的他要做人家難道我們不要做
人家的况是媽媽一家人身衣口食都靠女兒一人目前
貪了這五百兩頭日後如何過活老 湯相公見的極是副
若如此說小弟到有條計在此丑 請教請教副 小弟有個

朋友姓尤名守此人博菴陸博件件皆精今日在席上就說起此人待小弟明日引他到此大家做個圈套贏了他這幾千銀子大家分了去做人家那時他要做人家等他空手做去丑妙絕了妙絕了老杜官人出來也

小蓬萊

生上

四鼓笙歌初散纔向芙蓉帳裏同眠貼微潮

酒暈倚嬌推醉作意週全

見介生

小弟正欲遣人奉邀不

期二兄先到了丑副我兩個是自然來的何須去請老錢金兩相公也該着個人去請了生不消得錢兄我昨日已經約他說今日約了金兄同來外小同上今年元夜時花

市燈如晝月上柳梢頭人約黃昏後入介見介外小弟只
說賞燈也未必早故遲遲而來反勞久待得罪得罪生豈
敢末旦扮二家人上酒已齊備請相公登席老你們自取
樂老身還去料理料理下衆入席掛燈介

望吾鄉玉兔窺軒金鳧焰燭天乾坤六合光輝遍燈前月
下把芳筵展一望雙眸眩合新豐酒斗十千暢飲無勞勸

丑如此良宵何不請教美人一曲生甚妙貼唱介

前腔良夜堪憐此時詎忍眠且回燈添酒重開宴華堂珠
箔高高捲見璧月如歌扇開笑口趁少年休看得韶光賤

感亭秋

衆

看他凝眸斂笑態度妍聽歌喉滴溜圓片片行

雲駐碧天繞梁餘韻飛不散令韓娥曲非浪傳今識韓娥

面淨扮烏龜持樂器上聽得歌聲動忙將樂器來相公們

樂器在此了生好到也虧你伶俐淨世上惟有我們這項

人最是乖巧的生且把酒肴擡過待我們打一套十番耍

子淨末旦撤席下衆打十番介

前腔鸞笙吹徹羯鼓喧敲象板撥鳳絃音韻悠揚繞半天

春風幾陣吹不散逢令節興翩翩達旦渾忘倦衆起介歡

娛未竟不覺天色已明小弟們告辭了生明日還要奉屈

到此走走副小弟明日要去取一宗銀子只怕不得來奉

陪怎麼好生是什麼銀子副近日有個財主帶了萬數銀

子到此他生性好賭却件件不精前日小弟贏了四五百

兩約在明日去取所以不得過來丑靳兄這樣便宜的勾

當你便自己去做就不肯挈帶我們了生正是呢副這也

何難之有待過了明日小弟勾引他來便了生使得

尾聲曙光淡淡籠深院明滅殘燈吐細煙皎月如盆墮樹

巔

集唐 生 上元高會集羣仙 唐文 貼 月暗燈微欲曙天 白居易

副
丑 飽聽笙歌陪夜飲

曹唐

外
小 今年春色勝常年

崔液

揚州夢仙奇


今平春色

揚州夢傳奇卷下

第十三齣被逐

淨短鬚氈帽布袍扮尤守上

集唐堪笑高陽病酒徒誰人不道解携蒲如何值此艱難
際諱却家無擔石儲小子尤守的便是只爲賤性生來好
賭把那六塊臭狗骨頭玩之如白璧一條破蒲席子臨之
如綺筵但見紅四絢爛金么鮮妍錢財藏於袖裏籌馬堆
於案前夏日炎炎常終朝廢食寒風烈烈竟徹夜忘眠雙
足冷如水濕一心熱似火然口內呼盧喝噪手中坐六輕
便勝一注如遊蓬島間片刻似坐針氈或貫鈔爭差雖至



親遂成反面若分文計較縱契友亦與揮拳銀子輸過千
把本事學得十全若估客入場必算盡他千金之產倘富
翁遇我肯留他數頃之田每侵晨而早出至薄暮而不還
弄得來自晝神魂飛蕩黑夜夢寐倒顛亦無心耕於畎畝
又何意坐於市廛忽下禁賭之令是咱倒運之年地方行
牌壘至衙門告示高懸生計從此絕矣產業幾曾存焉有
錢費之已盡無藥療之可痊居食恒遭缺乏性命亦難保
全千般苦楚萬種憂煎問何爲而至此因賭博之使然且
住我如今說也無用家中尚少晨炊不免到開賭場約汪

大官人處且騙他一飽再借些當物回來有何不可行介
玉芙蓉窮愁命矣夫想爲欺心故把他人生推入陷穽泥
塗今朝困乏誰憐取昔日錢財已盡無被聰明誤我悔不
當初做田家春耕秋穫守鄉閭

下

前腔

副急上

我尋來到處無此老之何所又向誰家貪去

陸博擣菽小子靳况來尋尤守再尋不着有了我如今向

那開賭場的幾家沿門問去少不得有他在內又行介急

穿柳陌人難遇愁望雲天日欲晡

淨背箱上合前副尤大

哥小弟那一處不尋你你却在這裏間走

淨請問靳况來

尋小弟有甚話說副小弟有一宗大財要送來與你淨你

那裏有這閒錢與小弟不要哄我副果然有的那個來哄

你淨實對我說畢竟怎麼樣副實對你說小弟那得銀子

送你有個富翁帶了萬數銀子在那裏要同你擲骰子你

隨我去贏了他的來大家均分便了淨此事雖妙只是近

來的賭禁甚嚴如何是好副不妨他如今在柳玉娘處那

柳家的庭院幽深料也無人曉得淨如此一同前去便了

副且住我昨日騙他說你也是個巨萬的財主今日這般

嘴臉豈不露出馬腳來了淨正是呢想介有了有了小弟

方纔借得汪大官人衣服在此是要拏去當的如今正好
穿去走走副這也湊巧淨開箱着衣介副與你作速前去
罷淨且住待我把這箱子寄在敝友處再借頂巾來戴了
去副更妙淨向內叫介大哥我有個箱子寄在你這裏少
刻就來取的內應介淨有巾借一頂與我內應接箱遞巾
介副你戴起來看淨戴巾介副妙如今纔像了

洞仙歌

淨

非關賊莽秃却是憤如屋

副

你踱一踱看淨踱

介簇新走樣斯文搖擺着濶衣服

副

快些走罷行介合須

記古人語無毒不丈夫着意去擺布

下

生丑同上生天生

我才必有用千金散盡還復來丑烹羊宰牛且爲樂會須
一飲三百杯生湯兄昨日靳兄說今早去約那財主到此
怎麼這時候還不見來丑正是此時也該來了淨副上計
就月中擒玉兔謀成彙底捉金龍入見介副此位就是杜
官人這一位是湯敝友揖介生請教上姓淨賤姓石副他
乃石季倫第九代元孫也生久仰淨豈敢豈敢丑石兄此
位杜兄久慕你携蒲的絕技意欲請教淨小弟賤性雖酷
好於此其實不精只恐貽笑大方生謙了丑送散盆籌
馬過來末應持上湯相公散盆籌馬在此了丑放在桌兒

上淨籌馬怎樣算法生一千一回就是水環坐擲骰介

前腔豈不聞老聃西入胡當時作擲菹世笑陶侃狂言無

端說牧豬但見檀籌落似雨牙子走如珠片時分勝負淨

且住先把這篇帳算清了再擲生擲了一總算罷淨定要

算過了纔擲生怒介我曉得你也無非是要銀子的意思

淨笑介小弟好好的一個啞謎被老兄一猜就猜破了生

小弟既輸了豈有不還之理小廝那裏末應上生搬銀子

出來末應下生湯兄煩你算一算丑這一個當得算介杜兄

共輸四千七百內小弟叨贏二十兩末持銀上生共有多

少末剩得二千八百兩一總在此了生請先收過了淨那
一千八百八十兩也求發了罷生自然還你小廝你快到
家中取二三千銀子說我等着要用末今日來不及了生
明日早來纔好末曉得下淨請寫下欠票小弟就要別過
了明日再來領罷生且請寬坐小弟還要擲一回兒淨待
清了前帳纔好擲哩副不是這樣講你今日贏了這許多
也還該讓他畧翻一翻本纔是况杜兄又是有家私的不
要說別的就是他的房產也還值萬金你只管放心若他
再輸了包在小弟身上要銀子就是了淨既如此快請社

兄寫了欠票小弟再擲一回罷了丑這樣纔是杜兄就寫

一張與他罷生這個容易寫票與淨介復擲介

福馬郎若論有神非謬虛乍貧還暴富休輕覷淨這一注

你敢擲麼生我就擲又何必繞牀呼爭知不是盧擲介淨

又是杜兄輸了生罷了罷了如今也不去做人家了拚得

這遭輸罄產業爲孤注我也有一大注你敢擲麼淨正要

擲你擲介又是小弟贏了丑杜兄我勸你就此住了罷今

日手低得緊只管要輸的生我偏不信還有一大注你敢

再擲麼淨不擲了小弟今番真要告辭了生再擲這注罷

淨既如此索性算清了帳再寫一張欠票與我再擲便了

生這也使得丑算介此番杜兄共輸八千八百五十兩小

弟除去前面贏的反輸了一兩淨此番不比前番須要寫

上房產小弟纔擲哩生何難寫介請收了淨接票看介好

這纔是個漢子只是小弟忽然身上有病起來了靳兄你

可把這宗銀子寄在此間小弟明日來取副湯兄幫我一

幫丑副擡銀下生方纔言過寫了票子還擲一回怎麼就

要回去起來淨今日其實不能奉陪了有話明日到府上

去再講罷請了不施萬丈深潭計怎得驪龍領下珠下生

湯靳二兄快來丑副同上做什麼生那姓石的竟自去了

副去了也就罷了生難道你二人就是這樣坐視不成丑

這是你自己輸的怎麼反來責備別人副這也好笑生你

這兩個小人見我輸了家產就是這樣侮慢我麼丑既然

我兩個是小人你自是君子了古云君子絕交不出惡聲

何必如此大呼小叫我兩人告退罷了閉門不管聽前月

副分付梅花自主張同下生作怒貌悶坐不語介淨扮烏

龜暗上對坐生怒打淨介淨爲何這樣亂打生你這樣的

狗才也敢如此大膽淨我有說話要對你講生你就有說

話也不該與我同坐淨你不要在那裏做夢只怕如今有

我的坐處還沒有你的立處哩

前腔我家媽媽纔分付不許留伊住快出去生可恨青樓

薄情至於如此待我進去與你媽媽姐姐講個明白賊潑

賤狠官奴頃刻化妖狐淨不要放屁尚自敢狂呼請走路

莫支吾欲打生內喚下生吠狗才放肆可惡喫可恨人情

反覆世路炎涼罷了罷了我如今有甚顏面歸見妻子不

如到前而尋個白盡罷欲行又止介住了此身一死雖不

足惜但我曾受人大恩未報他曾約我三年後到雲臺峰

去如今算來恰是三年我竟自前去便了且住只是不曉
得雲臺峰所在如何是好呀呀

尾聲 我一心信步行將去臨岐何必恁躊躕我若不報那

老丈的大恩呵何異今朝人負吾

杜鵑啼處淚沾衣

顧况

悔作從來任俠非

李白

集唐

今日悲羞歸不得

白居易

心隨黃雀遶簷飛

盧綸

第十四齣索債

旦扮韋氏上

搗練子郎不返已經旬前宵曾卜紫姑神道是今朝歸有

信寒梅花發今年早綺閣香閨覺春好深院無人日正中

牆陰低覆牆根草奴家只爲丈夫終日冷游不事家產也
曾再三苦勸他只是不從前日又出門去了至今數日尚
未歸家奴家已曾寫字要他回來怎不見信音好悶人也

六么令

末上

疾忙前進早來到主人宅門此間已是不免

竟入呀娘子在這裏旦官人回來了麼末尚未旦你來做

什麼末官人要用二千銀着我忙拏去莫逡巡不曾提起

歸家信不曾提起歸家信老急上娘子在那裏旦你爲着

何事這等慌忙老湯靳兩相公同着許多人直闖到裏面

來了旦這還了得末待小人去報與官人知道旦既如此

你教他急急趕來纔好末曉得下旦梅香過來快喚家下
人進來伺候老曉得下

前腔

淨副丑同上

索錢要緊不管高低急急飛奔丑來此

已是他的內室了淨不要管他大家進去入見旦介丑請

了老嫂旦哇你們這班人好生無禮光天化日錦乾坤敢

招賊夥劫良民我到官與你相評論到官與你相評論淨

評論也不中用老實對你說你家丈夫把家產輸與我了

旦有何証據淨出文契介

前腔你夫君現存又有蘄湯中保二人欠咱一萬有餘銀

親立字與咱們願把產業將來准願把產業將來准丑那

裏有這許多話同他講副竟趕這潑賤出去就是了淨說

得有理衆推旦出下旦跌介

前腔

貼扮麻姑道妝上

千年一瞬萬疊青山百丈紅塵旦

見貼牽衣介仙姑救我貼你是杜娘子爲何這般模樣了

旦一言難盡奴家只爲丈夫蕩盡家產被人逐出又不知

他下落身無所歸願拜仙姑爲師從此雲遊方外望乞收

留貼言雖如此只是做道姑的不過草衣木食而已你乃

富貴場中的人怎受得這般清苦還要自己酌量免得後

來翻悔旦弟子如今醒悟了那塵世上的恩愛豪華到頭
來不過鏡花水月因此弟子萬念俱消一心向道決不翻
悔師父請上待弟子禮拜拜介我正心合掌拜仙真願超
脫免沉淪拳拳謹守仙師訓拳拳謹守仙師訓貼既如此
隨我前去便了

集唐

萬古榮華旦暮齊杜牧

不妨從此躡丹梯劉禹錫

塵纓世網重重縛白居易

此日蒙師為破迷方干

第十五齣指路

生舊衣巾扮杜子春上

行路難行路難不在水不在山只在人情反覆間我杜子

春籬却蕪城尋來西嶽行過四千餘里路程喫了九十多
日辛苦未審雲臺近遠但見石路紆迴不知何時纔得到
彼也

端正好踏莓苔穿林樾見煙中白日西斜只愁那向前途

去去無村舍往何處堪安歇且佳我步入深山天光漸暝

如何是好

滾繡毬俺只見萬松頂倦鳥歸半山腰暮靄遮回顧那來

時路雲霞明滅一步步入深山石磴凹凸也不去問玉女

洗頭盆也不去覓仙人杖九節俺待要報老翁塗肝灑血

原不爲尋白帝費嘴勞舌我可也捫參歷井仰脅息以手
撫膺長歎嗟猛然間見前途暗也下內鑼鼓丑扮獨足山

魑跳舞上我乃山魑是也天生獨足跳躍如飛晝伏夜出

性好犯人且喜今夜天氣陰晦雲霧四塞不免往前山跳
舞一回有何不可作跳舞介向內望介內鑼鼓介呀你看

那谷口生風想是本客來也我且到前面深林內等他便

了跳舞虛下內鑼鼓副扮枯樹形木客跳舞上丑又跳上

請了副請了請了丑木兄何來副因見夜氣昏沉可愛特

訪山兄清談片晷也不負此美景丑旣如此大石上對坐

便了坐介副我方纔見一漢子踉踉跄跄攀蘿曳葛尋路

上來也丑妙待我迎將前去擒他來做個東道有何不可

副不可造次我觀此人相貌清奇上有神光紫氣日後必

有大羅天仙之分哩丑原來如此副遠遠望見那人來也

丑你我在這等他便了生又上路逢險處難迴避事到頭

來不自由我信步行來但見天昏地暗全無月色星光只

聞得猿啼禽噪泉響松鳴好怕人也

叨叨令那壁廂孤猿長叫三聲絕子規夜啼山竹裂懸崖

百丈飛泉瀉松風一徑濤聲咽兀的不嚇殺人也麼哥兀

的不嚇殺人也麼哥丑林外果有一人來了生是誰行啾

啾啾的將咱說副那前面君子何不到這裏歇息歇息

生在那裏副在這裏生做不見摸入林中介在那裏丑在

這裏副不敢奉揖了丑就請在大石上坐罷衆坐介生請

問二公尊姓爲何昏夜在此丑在下姓山偶同這位木先

生採藥至此不覺天晚所以對坐林間不期君子辱臨得

接清談山野之人何其幸也生原來是兩位高人失敬了

副實不相瞞在下本非常材也頗有凌雲干霄之志若爲

時用必作棟梁奈今老朽枯槁託言隱於山谷不肯折節

求榮實無用矣觀君子之巾服士流也當謀仕進以圖榮
貴何乃自苦若是耶丑正是生二公聽我道來

倘秀才提起那爲官宦者說甚麼五斗腰折還要向要路
權門通關節遍街衢載黃金行黑夜暗地裏跪求人與那

乞丐無別

丑

在下生於深山窮谷之中與草木爲伍落拓

野性自知有足不肯求多所以獨立無依甘於冷淡據君
子方纔所言雖不願求貴然必有親戚故舊何不借些費
本亦可致富副說得有理生不要提起

小梁州若論那富不可求如貴也請二公再聽余說俺也

曾揮金若土恣豪奢到如今不剩一些些副請問來到荒

山有何貴幹乞道其詳生念小生呵

脫布衫離家不覺逾三月管不得路杳途賒俺只爲報恩
心堅似鐵經了些溪流汹涌行了些山徑欹斜丑但不知

君子將欲何往生小生三年前曾受一老翁大恩他約我

到雲臺峰相見所以尋至此間但不知那雲臺峰在何處

丑原來如此你看林外東方漸白待我指引你去路便了

生感謝不盡丑走出這個林子穿出那正北的山口再過

一條峻嶺那對面峰頭就是生多謝了副暗下生向丑問

介不知有多少里數丑你問木先生他曉得生轉背丑亦

暗下生不見副復欲問丑丑亦不見生大驚介呀好奇怪

怎麼一霎時都不見了且住我想這樣時候那得有人在

此處是了是了細思他兩人姓氏莫非山魃木客乎望介

呀天色明了不免急急前去罷丑副又上繞場跳舞一匝

下生見介哎呀果然是山魃木客好怕人也我原來一夜

同此匪類交談想介且住他雖匪類還肯指引一條道路

較之以前這班朋友到不如相與此老有益如今只索依

了山魃的言語竟往北山口去便了

煞尾天光閃閃明星滅東兼蛟螭駕日車俺只爲報恩心
切管甚麼迢迢跋涉若得與老丈相逢也不負這一腔熱
血

集唐

空山獨夜旅魂驚

杜甫

玉筯兩行流到明

羅鄴

山鬼趨跳惟一足

白居易

九霄同與指前程

張蠟

第十六齣三遇

外扮老君金道冠鶴髦上

遶紅樓

菊花新

相約相逢在此間辭兜率又到人寰齊天

樂他二十餘年迷途不返

縱山月到如今鐘斷夢兒殘我

乃太上老君是也三年前曾約杜子春到此相會我且端

坐峰頭等他前來便了。坐介生上踏破鐵鞋無覓處得來全不費工夫呀。那老丈先在此了。不免向前拜見。則個拜介老丈在上。晚生杜子春拜見。外請起。郎君真信人也。

駐馬聽。你露宿風餐不避艱辛。到此間方見得前言不謬。

真個國士慚恩一諾如山。生跪介老丈若有用着晚生的

所在。晚生死亦不避。外大笑介並無一事敢相煩。預知君

有今朝難。老夫還有一百萬銀子在此。合更贈君還此番

歸去。永免窮愁之患。生叩頭介晚生今番斷不敢受了。

前腔。我三上長安本願非圖徼倖。還縱與我金銀萬億不

報深恩歸去何顏

外

老夫豈施恩望報之徒郎君何必固

辭待明日依舊備下車馬送你回去何如生又叩頭介晚

生如今真個醒悟了已經富貴兩三番都做了水流東去

浮雲散

外

既然如此你明日且聽我言載金歸去再等三

年之後仍在此處尋我便了生又叩頭介如今是死也不

回去的了今觀老丈鶴氅金冠知是羽流高士願拜老丈

爲師日夜相從一則可圖寸報二來立志修行師父在上

受弟子禮拜拜介戴一頂黃冠百年世事一場虛幻

外難

得你如此心堅且隨我到這裏來

揚州一夢間

生

尾聲 窮愁落莫何須歎算來名利不如閒方信道十載

揚州一夢間

外

雲臺洞穴接郊扉

李商隱

生

回首人間總禍機

薛能

集唐

外

欲說向君君不會

白居易

生

頓令心地欲皈依

李頎

第十七齣雲遊

貼扮麻姑仙衣上

北粉蝶兒千載浮生互上下兩輪不定有多少世事牽情

勞形骸役夢寐無時清靜一睜眼火起煙騰燒得來古今

不剩

南石榴花

旦扮韋氏道妝上

天風颯颯吹下步虛聲絲絳

緊羽衣輕碧桃花下誦黃庭怕靜中塵念時萌師父稽首

貼你在那壁廂做什麼來旦花間獨坐讀仙經是非外數

聲清磬貼你且隨我前往西嶽雲臺峰拜見太上然後引

你渡兼看仙山便了旦往西嶽過東兼到蓬瀛不知去去

幾多程貼你且聽我道來

北石榴花俺與你兩人足下片雲生恣意也麼馭風行說

甚麼西嶽與東溟望齊州九點兼水一泓又見那蓬萊山

頂在深井却從來雲路杳無憑茫茫不比塵中徑又沒有

甚麼短長亭

南泣顏回

旦

願隨師父向前征萬里身如萍梗答鸞鞭鳳

飛上紫府青冥

貼

就此前去便了行介旦往雲臺瓊島意

虔誠頂禮朝仙聖望四極一色蒼蒼但聞得耳畔風鳴

北鬪鶴鷄

貼

遙望見山勢峻嶒又早是蓮花玉井俺這裏

按下雲頭來到這最高峰頂來此已是你且少待外上西

嶽崢嶸何壯哉黃河如絲天畔來白帝金精運元氣石作

蓮花雲作臺

坐介

貼入見介弟子稽首外仙姑少禮貼弟

子遵法旨度得韋氏在外外喚進來貼過來拜見太上旦

入拜介弟子韋氏拜見太上外仙姑你可送他到蓬萊仙

關你自歸洞府去便了貼領法旨外大底乾坤都一照免

教人在暗中行下貼與你駕雲前去便了行介猛回首西

嶽連天一抹青忽擡眼東粲波一片明俺與你離却人寰

又早到蓬萊仙境這前面乃蓬萊山大修行處了旦望介

南千秋歲粲波澄山壓神鼇頂一朵朵五色雲騰樓閣層
層樓閣層層千萬樹碧桃花兼紅杏黃金闕連天迴扶桑
日流光映看不盡仙山景有多少奇花異草不解呼名

北紅繡鞋

貼

俺這裏晝夜三光不暝春秋萬卉長榮那層

層樓閣卽瑤京金虎能鼓瑟火鳳解吹笙神龍護丹鼎

你飛渡滄彙前去行介

南剔銀燈

旦

穿彙市煙凝霧蒸過層樓光搖氣冷見波中

蜿蜒遊龍影簸揚得洪濤不定溯轟勢若雷霆隔絕仙凡

路程

北十二月

貼

辭太華行來俄頃虛飄飄飛渡滄溟俯下界

全無蹤影遠迢迢步入蓬瀛這纔是朝元證聖須不比鰲

倒鵬騰

已至蓬萊仙山了隨我去拜見衆仙真旦師父請

南尾聲皈依一念原清靜自有仙師可證明微笑回頭大

道成

集唐 貼 人事飄如一炷煙 徐寅 旦 就中昨夜好 潛然 李建勳

蓬萊水淺有人說 黃滔 旦 不到蓬萊不是僊 杜牧

第十八齣守丹 正場先搭一帳幔帳幔中放丹爐一座

新水令 外 個人舊有神仙分 奈把前身自家不認生今入

名山隱出紅塵一朝拋下了閒愁悶 師父稽首 外 過來聽

我分付我煉得第九轉神丹在此子可為我達旦坐守倘

有凶神惡鬼猛虎毒龍電光雷火雖困苦萬狀總非真實

但當不語終無所苦勉之勉之 生 弟子謹受命 外 你聽我

道來

風入松我年華衰邁減精神坐久不勝乏困你若能固守
三年信縱萬苦亦當含忍今宵事全然賴君休負我語諄

諄

前腔

生

師言豈敢不依遵我閉口三緘坐穩那怕凶神惡

鬼排成陣任龍虎電雷兇狠縱萬死何惜一身欲仰報昔

時恩

外既然如此你且坐了

生曉得

入帳中端然跌坐介

外妙看他守丹竈而不顧鍊金鼎以方堅下內輕搗鼓作

隱隱雷鳴漸大復作霹靂聲撒火一把副扮雷公貼扮電

母末扮雨師丑扮風伯遶場一匝下內又鑼鼓二雜扮龍

虎遶場跳舞向生作搏噬之狀復跳舞下內又吶喊淨扮
魔王金盔金甲青面紅鬚手持金鞭末小丑老扮魔兵持
旌旗引上

前腔龍旌絳幟擁將軍週匝青鋒白刃一聲發喊山川震
傳號令拔營前進百萬騎翻沙簸塵人和馬片雲屯衆向

生問介你是何等樣人不避大將軍尚敢公然端坐生不

應介淨問他姓甚名誰衆問介生又不應介淨大怒介

前腔妝模做樣潑妖民獨坐爐邊納悶我按納不住心頭
忿待把你驢頭手刃衆你是那何方甚人速回對大將軍

生又不應介淨怒貌坐外場角介你道不能奈何你麼軍

士們何在衆應介淨速去捉他的妻子前來衆應下又各

持短刀擁旦上韋氏拿到淨帶上來旦跪介哎呀好怕人

也淨帶過一旁衆應帶旦向旁介淨你若再不開言我就

鞭你的妻子一百軍士快與我動手衆應欲打旦介旦將

軍請息怒待奴家求他便了淨放起旦向生哭介官人嗔

前腔妾雖陋質辱官人也十餘載夫妻和順今朝一旦遭

危困拜求你片言猶吝妾之命存亡繫君忙啓齒莫逡巡

生不應介淨軍士們與我打着實打這潑賤衆應亂打介旦

哭叫苦介淨你若再不開言我便烹你妻子生不應介淨

看大油鍋伺候丑末應下旦慌哭介杜子春天殺的

前腔奴與你夫妻恩愛本天倫此際何其殘忍事到如今

恩愛兩字也不必去講他了天殺的奴家與你無讐恨怎

坐視奴家命殞奴雖死此冤不伸必爲厲鬼殺負心人丑

末擡鍋上置當場又下抱柴薪上稟將軍油鍋乾柴俱已

齊備了淨安置庭中架起火來衆應燒火介

前腔安鍋支竈更添薪天上濃煙成暈須臾火沸煎油滾

要斷送伊家紅粉淨先把這賤人烹了衆應舉旦投入鍋

中且從鍋底暗下衆指生介你急開口殘生尚存仍倔強

禍臨身生又不應介淨此賊妖術已成不可使他久居人

世也與我擒來烹了衆應擒生投入鍋中生亦暗下淨大

笑介就此回兵衆吶喊介

前腔此番暢舉頗鮮新一對夫妻相殉煎熬透骨真難忍

好似那燈殘油盡焦頭額纔爲上賓肯釜下早抽薪

今日何須十萬兵 杜甫

妖氛不起瑞煙輕 周曇

集唐

向人雖道渾無語 劉威

六國交馳亦受烹 劉兼

第十九齣轉輪 副扮判官上

醉斜烏帽髮如絲盡日靈風不滿旗年年檢點人間事爲
代蕭何作判司某乃十殿轉輪王案下一個胡判官便是
今日大王升殿只得在此伺候內吹打介

夜行船

外蟒衣玉帶扮轉輪王老小扮牛頭馬面隨上

從

來天道如輪轉司冥中造物之權看他們戴角披毛改頭

換面善與惡相差一線

坐介副跪稟介稟上大王今日限

審揚雄王戎兩案鬼犯帶齊聽候發落外先帶揚雄上來

衆應介丑扭鎖扮揚雄貼扮鬼押上從前作過事沒興一

齊來跪介副讀案卷介一案爲姓名偶同等事奉嶽帝聖

旨嚴查具奏看得揚雄少而好學欲專求文章以成名於後世不意陽修名節陰附新莽及莽既以符命自立欲絕其原以神前事誅甄豐投劉棻雄恐不能自免乃投天祿閣下後有太學生胡言等辨稱當時有與雄同姓名者因美新乃自投天祿閣非作法言等書之揚雄也及拘薦主王音同官董賢甄豐等面審俱稱作反離騷及廣騷法言等書者此揚雄而美新者亦此揚雄從獵射熊館者此揚雄而投天祿閣者亦此揚雄當時並無與雄同姓同名之人胡言等辨何自而來明係揚雄買囑假公論以飾名植

私黨而嫁禍依律嫁禍於人者罰爲娼妓今雄以文學之
臣輔篡弑之賊希圖嫁禍又乏証據合加三等墮落輪迴
入犬馬牛羊之隊卑司未敢擅便伏乞睿鑒施行外揚雄
你今到此還有何說丑叩頭介大王在上揚雄雖百喙無
辭了還望大王爺筆下超生外取筆批介揚雄係鼠竊狗
偷之輩合令變狗轉生陽世帶下去貼帶丑出介丑你如
今帶我到那裏去貼發你去變狗丑小鬼哥望你方便我
變個母狗罷貼爲何丑常言道臨財母狗得臨難母狗免
貼這也好笑你在生原是通的爲何念起別字來了丑生

前雖通如今是死不通了貼不要譚鬧快些走罷趕丑下

牽狗上稟上大王揚雄變狗在此外發到陽世去貼應牽

狗下外帶王戎上來衆應介末扭鎖扮王戎淨扮鬼押上

早知今日悔不當初跪介副讀案卷介一案爲嚴查鑽李

以警鄙吝事看得王戎係涼州刺史貞陵亭侯王渾之子

也渾卒涼州故吏賻贈數十萬戎辭不受由是知名已而

與嵇康等七人爲竹林之遊時號竹林七賢無奈性好興

利園田遍於天下猶自持籌算計恒若不足家有好李恐

人得種貨必鑽核質証分明難逃公論又據其姪訴稱娶

妻時戎曾送單衣一件及娶後卽刻取去又據其女訴稱
氏夫裴願貸戎錢數萬因氏歸寧百般凌辱立逼還清又
據其子王萬訴稱萬體自幼肥胖戎令食糠甚難度日據
王戎子姪輩所言家庭之際猶然如此方見鑽李特其事
之小者但戎身居尚書令之職不能親親仁民而及萬物
鄙吝之狀雖不成人然論其罪又不至失去人身合將玉
戎罰在窮荒僻壤爲民顛連無告庶幾知警卑司未敢擅
便伏乞睿鑒施行外取筆批介王戎善於謀利若發在窮
荒僻壤爲民必將百計營求爲非作歹遺害無窮合將永

與錢一文變作銅枷枷號陰府永不許轉生陽世叫鬼卒

取錢枷過來衆應去末扭鎖取錢枷枷末介末多謝大王

重賞外帶至鬼門關示衆衆應帶末出介古今誰似我生

死不離錢下旦扮韋氏持狀上聲冤介外何人稱冤叫鬼

使帶上殿來衆應領旦向前跪介外取狀上來衆應取狀

鋪案上介外韋氏你有何冤屈擅敢到我殿庭旦大王爺

爺聽稟

黑麻序宿世冤愆爲無門控告搶地呼天故不辭萬死直

千金殿堪憐一旦遭奇變吞聲入九泉合到臺前惟有衷

情上訴焉敢胡言外從實訴上來

前腔

換頭

旦

昨晚二鼓之前忽逢魔鬼百般鍛鍊

外住了

你爲魔鬼所殺爲何狀上告你丈夫這是怎麼說旦大王

爺爺嗔恨夫君在彼不肯相援外你丈夫雖然在彼也未

必卽能救你旦那魔鬼說你若開言我便免你妻子的死

可恨他全然不保遭冤設使王導有片言伯仁命亦全合

前外取善惡簿過來副遍簿外看怒介原來是雲臺峰煉

丹的妖民可惱可惱叫鬼使速到豐都帶杜子春陰魂聽

審衆應喚介生扭鎖扮杜子春丑扮鬼押上生跪介外杜

揚州夢傳奇 卷一
子春你妻子韋氏告稱昨夜二鼓時分他被魔鬼所執百
般鍛鍊苦不可忍你在旁坐視不發一言相救這是怎麼

說生不應介 衆喝介 答應生 又不應外 怒拍案介

錦衣香 你妻受冤親瞧見口不言心不善兀自做啞妝龔

全無分辨猶思煉餌學飛仙一線殘生欲苟延那知惡貫

盈墮輪迴難逃天譴看赫赫冥王殿難通情面教你粉身

碎骨把鋼刀血濺 旦 大王爺爺在上看他今日在此猶然

如此也見小婦人的言辭並無誣妄了 外 你自去與他質

証 旦 天殺的

漿水令見嫂溺還將手援禮非宜尚可行權眼看妻被滾
油煎狠過豺狼不思黽勉生不應介外夫堪惱妻可憐定
成鐵案雪沉冤取筆批介此人陰賊不合爲男宜令作女

轉生原在宋州單父縣縣丞王勸家帶下去丑應帶生下

復帶貼上貼亦不語介丑杜子春變得女身在此衆爲男

子爲男子二十餘年一霎時一霎時化作嬋娟外把韋氏

且收入枉死城中聽候發放旦叩頭介下外杜子春已化

爲女還是這等偏強麼貼不應介外送他到陽世王家去

丑應帶貼下外分付掩門

尾聲陰陽間隔原非遠又好去出頭露面渾如脫殼秋蟬

死門生路兩相忘

羅隱

實行丹心仗彼蒼

韓偓

集唐

常笑世人多誑誕

羅虬

瞿曇拋却轉輪王

白居易

第二十齣說親

末中服蒼髯扮王勸上

卜算子 隻身離宦寨老景棲林下一莊水竹數房書景致

多瀟灑

生兒古有孫征虜嫁女今無王右軍借問琴書終

一世何如旗蓋仰三分老夫姓王名勸原任宋州單父縣

縣丞因偶憶尊鱸故堅辭榮祿退居鄉里不覺一十七載

賴有荆妻胡氏性頗賢淑躬操井臼相伴晨昏只是老夫

知非之年尚無子嗣只生一女年已及笄因他有色無聲
自幼呼爲啞女我夫妻愛惜太過未加教誨我想日後歸
人就是那些婦道也要曉得今日無事不免喚孩兒出來
訓導他一番有何不可

向內介梅香請夫人小姐出來內

應請介

前腔

老扮胡氏貼扮啞女隨上

乘龍無佳婿覽鏡添華髮

有女翻令父母憂日夜心牽掛

見介貼不語萬福介末我

兒少禮衆坐介老相公喚妾身出來有何說話末夫人聽

我道來

桂枝香只爲女兒漸大正當婚嫁休誤了綺閣青春亦好
託高堂白髮老相公之言甚合妾意末然雖如此古云男
子之冠也父命之女子之嫁也母命之你還該把那些爲
婦之道說與孩兒曉得纔是老我兒聽我道來論三從四
德論三從四德最關風化亦須思察莫爭差女子于歸後
宜人宜室家

大齋郎

丑扮媒婆上

扯東家配西家人間撮合盡憑咱吳

剛老奴無用處罰去蟾宮斫桂花老身劉媒婆是也今來

王宅議親此間已是我自走慣的何妨直入入見介末孩

見迴避貼下丑老爺夫人萬福末劉媽媽到此何事丑老

身特爲小姐的姻親而來末請問是那一家丑若是別家

老身也斷不敢爲他來求親就是新科進士叫做盧珪的

這位老爺他的家世自不必說了真個是才貌雙全不讓

潘安宋玉依老身的愚見這頭親事老爺決不可錯過一

定該允的末此事雖佳只是我女兒口不能言如何是好

丑他也曾言及於此末他是怎樣講來丑老爺聽稟

桂枝香慕令愛姿容嬌姹何煩說話雖則是桃李無言好

憑媒向東風嫁况佳人才子况佳人才子一雙如畫風流

揚州夢傳奇 卷下
瀟灑果堪誇足戒長舌婦當稱解語花

末既如此我家妝

奩等件都是預備的着盧郎選個吉期竟行六禮便了丑

多謝老爺慨諾

集唐

末丑

無言如伴息媯愁

韋莊

老

及此凡經十五秋

白居易

龍駕車轅鵲填石

王建

早教鸞鳳下妝樓

盧儲

第二十二齣做親

小冠帶扮盧珪插花上

步蟾宮 鳳凰池上多聲望又孔雀屏中歡暢看兩行銀蠟

吐光芒一派笙歌嘹唳下官盧珪忝中黃榜進士辭朝歸

娶今日已親迎夫人到此好待吉時便當合巹淨扮賓相

上掌禮人叩頭小起來淨吉時已到小既如此快請淨向

內照常請介貼吉服扮啞女旦副扮梅香扶上小貼拜堂

如常介淨先下小去貼帕旦以扇遮貼介副請新郎賦詩

却扇小莫將畫扇出幃來遮掩春山滯上才若道團圓似

明月此中須放桂花開旦去扇同副持燈引小貼行介

金錢花紅燈前引輝煌輝煌紅顏乍試新妝新妝順風珠

翠逼人香喜日吉叶辰良迎秦女配蕭郎

昔日仙人今玉人方干紅鸞不受世間塵王建

集唐

天桃穠李遙相匹張說脉脉無言度幾春杜牧

第二十二齣報子

末扮王勸老扮胡氏仝上

風馬兒

末

老去常悲薤露歌來日短去時多老守釵荆裙

布居閨閣蕭條宦眷鏡裏鬢雲皤

末

夫人女兒自歸盧郎

之後他便帶入京中去了節序頻移不覺又是一載有餘
竟杳無音信昨日聞得盧郎給假而歸下官已曾差人去
接怎不見回報好憂悶人也老相公女婿旣已歸家女兒
相見在卽何必如此心急末夫人非是下官性急

黃鶯學畫眉

黃鶯兒

只爲歲月久蹉跎眇鱗鴻不見過想

孩兒一面如饑渴知別來怎麼知年來若何信音那有些

兒個画眉序画眉序今朝疑是從天落尚禁得兀自擔閣丑上一

心似箭兩脚如飛來此已是不免竟入入見介老爺夫人

在上男女叩頭末你回來了麼盧郎同小姐都到家了麼

丑都到家了小姐入京之後又生下一位小官人將及週

歲了末既然如此你可喚下船隻我同夫人明日去看小

姐丑曉得先下

尾聲末老今宵只合挑燈坐等到西方落曉河好上輕舸

泛綠波

集唐末我兒辭去淚雙流劉兼

消息真傳解我憂杜甫

老
聞得一毛添五色

熊孺登

眼看相逐鳳池頭

白居易

第二十三齣撲子

正場照前搭一帳幔暗置丹爐於內小冠帶扮盧珪貼扮啞婦淨扮姝娘抱子同上

西地錦

小

給假暫歸鄉土歎田園久已荒蕪坐介猶餘三

徑閒松菊引壺觴對酌何如

貼不應介

小

夫人

貼不應介

啄木兒

小

吾娶汝汝嫁吾真個是女貌郎才婦與夫彈指

頃頻易春秋對面處曾無言語

夫人我比一輩古人與你

聽昔賈大夫之妻鄙其夫纔不笑然觀射雉尚釋其憾况

我有珠璣萬斛胸中富文章四隸馳名譽須不比射雉如

臯賈大夫

丑上

到門一百地在路兩三天來此已是有人

麼副扮家人應上什麼人在此丑我家老爺同夫人來看
小姐快些報去副住着啓上老爺王老爺王夫人在外小
快副老爺出迎丑向內請介

玉女步瑞雲

傳言玉女

末上

跋涉長途特地來探愛女瑞

雲濃老鎮日裏牽腸掛肚

見介丑副同下

小岳父母請上

待小婿拜見末不消罷小貼同拜末老答拜介衆坐介小

姝娘抱孩兒過來見了外祖外祖母淨遞子與末先下末

接看介

啄木兒

看他眉刷翠唇抹朱信是丹山彩鳳雛如點漆炯

炯雙眸口呢喃向人學語遇子與小小接作愁容歎介末

老從今不必多憂慮兒孫自有兒孫福準備着鄴架芸香

好積書小小塔亦非爲此只爲令愛呵

三段子自從嫁吾婦和夫雙雙入都他情慵意疎鎮日介

長吁短吁我竊窺其意多含蓄其中未必無他故早難道

及至相逢半句無衆立起介貼走入帳中暗下生照前扮

杜子春暗上坐帳中介末老賢婿就是表女兒不能說話

也是言過在前何須着惱

歸朝歡他居閨壺居閨壺性頗賢淑十五做盧家少婦論

生兒論生兒年纔十六有差遲還須寬恕

小怒介夫人不

言我丈夫也吾何畏彼哉且休抵死將他護我聞言激起

胸中怒便就做個開交不過一紙書

末言重言重老請看

懷裏孩兒罷小愈怒介噯大丈夫爲妻所鄙安用其子轉

背介有官萬事足無子一身輕持子撲介老末隨手揭帳

衆疾下生從帳中大叫撲出內向爐邊撒火生做癡呆介

外上鹿迷鄭相應難辨蝶化莊周末可知生跪介外噯你

好誤事得緊生叩頭介弟子萬死難辭但憑師父責罰外

吾子之心喜怒哀懼惡欲皆忘所未臻者愛而已向使子

無噫聲吾之藥成子亦上仙矣嗟乎仙才難得吾藥可重煉而子身猶為世界所容矣

玉肚交玉抱肚你愛緣不斷怎能鼓功圓行滿假若是子

無噫聲此時已駕鳳驂鸞玉交枝既然無分證仙班急須

收拾行裝返生叩頭介還求師父彙涵弟子焉敢二過外

合再休提這般那般再休提這般那般生又叩頭介

前腔浮生虛幻又未知人間夢間忽失聲不覺醒來見爐

中飛去金丹我悔之無及徒汗顏望師尊憐憫寬初犯外

合前生叩頭介師父果然不肯容留弟子了外醜已破矣

顧之何益生既如此師父請上待弟子就此拜別前去拜

介正是夜靜水寒魚不餌滿船空載月明歸下

尾聲外有身所以常多患回頭今日猶未晚恰纔好證聖

超凡

此夜風光最可憐崔液未能全盡世間緣白居易

集唐

坐來爐氣縈空散錢起滿竈黃金成白煙曹唐

第二十四齣昇仙生扮杜子春上

新水令驀然間劈空落下這一天愁悶得人望故國不堪

回首想當初舊遊堪屈指到如今新恨又從頭我可也半

世營求做盡了百千般無一就我杜子春今被師父逐出在外茫茫然不知所之如何是好也罷我且信步前行聽命於天便了

駐馬聽

我信步悠悠身世真同不繫舟難容拖逗笑笑無

伴遶荒丘見萬株山木抱雲稠聽泉聲激激風吹袖自垂

頭潸然淚滴衣衫透

內鑼鼓作水聲生驚介呀你聽濤聲

震天前面有一條澗水罷我仔細想將起來到不如趕到

前面尋個自盡罷想介有理作急行介

鴈兒落

猛聽得澗底水奔流鼓怒濤一似雷霆鬪斷送了

潑殘生萬事休也強如常戚戚憂身後作見水驚介呀你

看湍轟直下噴薄高翻真個是東川奔怒驥觸石起銀花

好怕人也

得勝令呀又何須妻子怨筌篥狂而癡猶如披髮叟從今

後逐風波仗石尤那其間任浮沉憑川后休休把肌膚且

快了鼃鼃口悠悠一靈兒共三閻地下遊跳介淨副扮天

將丑小仙童老貼仙女同上遶場一匝分侍兩旁外金道

冠八卦衣扮老君坐正場介杜子春擡起頭來生擡頭驚

介呀不想原到這裏好奇怪外朝上跪着聽吾法旨生起

身跪介外西江月汝本關門尹喜周時曾證仙班愛緣未
斷墮人間今日回頭未晚空向夢中說夢何須丹外求丹
一朝撒手赴狂瀾纔把愛緣斬斷你可醒悟了麼生呀弟
子陡然醒悟了外雖然悟却前身只是你沉迷已久可把
你一生所行之事細陳上來待我與你逐句點破然後纔
好傳大道與汝

水仙子

生

笑當時衣冠楚楚等蜉蝣得失關心日夜憂紅

塵影裏人奔走有多少閒構求却不道世事似雲浮富貴
何能久歡娛不到頭風流帳一筆都勾外飄風不終朝驟

雨不終日孰爲此者天地天地尚不能久而况於人乎金玉滿堂莫之能守富貴而驕自遺其咎甚愛必大費多藏必厚亡知足不辱知止不殆可以長久故貴以賤爲本高以下爲基生多謝師尊指示叩頭介

沉醉東風怪昨宵華胥夢遊一霎裏遭遇魔頭入泉臺受折磨轉陽世爲婚媾那其間夫婦爲讐撲子當階熱血流不覺得失聲開口外蓋聞善攝生者陸行不避兇虎入軍不避甲兵兇無所以投其角虎無所以措其爪兵無所以容其刃夫何故行不言之教不可得而害吾是以知無爲

之益不言之教無爲之益天下希及吾言甚易行天下莫能行吾言甚易知天下莫能知知者不言言者不知旣得其母以知其子生之畜之長之育之旣知其子復守其母慎終如始故無敗事

生叩頭介

折桂令想被逐面不勝羞有家難奔有國難投尋荒徑獨自夷猶悔之無及一似覆水難收忽轉過千尋孤岫猛撞着萬頃洪流一時節恨滿心頭便跳入那洪流我只道名登鬼錄又誰知身在瓊樓

外天長地久天地所以能長且

久者以其不自生故能長生吾之所以有大患者爲吾有

身及吾無身吾有何患生又叩頭介謝師尊教誨弟子如
今老實醒悟了敢問大道若何外有物混成先天地生寂
兮寥兮獨立而不改週行而不殆可以爲天下母吾不知
其名字之曰道道之爲物惟恍惟惚惚兮恍兮其中有像
恍兮惚兮其中有物視之不足見聽之不足聞微妙元通
深不可識生叩頭介外那壁廂韋氏來也旦上壺中別有
仙家日嶺上猶多隱士雲生旦見介

收江南

生

呀乍相逢一笑一凝眸又何須聒聒絮絮話離

愁想東周暫別卽千秋今日裏雙修今日裏雙修何如那

龍沙西走逐青牛旦一同拜謝太上便了生旦同拜介生

願隨夫子天壇上旦閒與仙人掃落花外分付排開儀仗

回兜率天宮去衆領法旨行介

沽美酒

生

驂白鳳駕赤虬黃金輦綠瓊駟氣乘風天外

遊好一似電光馳驟忽然間失却齊州

太平令

今日個求大道甘從牛後笑當時貪小利苦逐蠅

頭費多少烏飛兔走消磨了寒暄昏晝俺呵鎮日裏千愁

萬愁今日裏纔得個出頭呀誓不向塵中回首

集唐

滿堂絲竹爲君愁

張謂

瀟灑江湖十過秋

杜牧

雖道了然皆是夢

方干

片雲無數是揚州

皎然

譜揚州夢劇者有秘笛山黃石牧兩家皆取小杜十年
一覺詩敷衍之笛山作世不經見石牧作今見納書樓
曲譜碑非全本莫知結構何若外如陳浦雲北溼草
堂集亦有雜揚夢一種務頭陰陽備極工巧此外如
有矣此劇為國物慎郡王撰王諱岳端字兼山號紅
蘭主人安和親王第三子大西堂序中所謂銅雀臺邊
金梁橋畔者蓋以陳思周憲比儻之也王撰述甚富又
嘗選孟郊賈島詩名寒瘦集印繫絕佳家有祿本

今不可多得矣劇中情節悉本子春本傳惟昇仙折別
玉池自運便於收煞固不妨稍事點綴也卷首固畫為旌
邑鮑承勳子葦刊余舊花未素臣秦樓月劇上承勳
手葦精巧相埒知鮑氏父子固以葦子固世其業者矣

孝慈先生得此屬為加墨因疏如右己未季冬之望

長洲霜崖弟吳梅書於東斜街虜齋



揚州夢者

紅蘭主人談道之作也夫道之出口淡乎其無味視之不足見聽之不足聞用之不可既此老聃之言也

主人有見乎此故假太平廣記杜子春三上長安故事以爲所遇老人卽老聃乃作爲樂府名曰揚州夢命諸伶播以筦弦一時名士之在京師者咸相與咏歌

其盛後三年吾友顧硯山攜其藁歸吳門將鏤版行世而新安俞君瑤章欣然爲董其役自此而後人之見之聞之者宜莫不有味乎其言謂之樂府可也謂

